

COURSE JOINING INFORMATION



**BA (ANRH) ADDYSG GYNNAR AC YMARFER
PROFFESIYNOL GYDA SYBC (DWYIEITHOG)**

**YSGOL ADDYSG A PHOLISI CYMDEITHASOL
CAERDYDD**

Gwybodaeth Ymuno â Chwrs

Blwyddyn Academaidd 2020/2021

CardiffMet

CONTENTS

- 1. Croeso oddi wrth eich Tîm Addysgu**
- 2. Amodau Cyn-cofrestru**
- 3. Tasgau Haf Cyn-Mynediad**
- 4. Ymrestru / Casglu Cerdyn Met Caerdydd**
- 5. Wythnos Gynefino**
- 6. Amserlen Ddrafft / Presenoldeb Nodweddiadol**
- 7. Newidiadau i'r Cwrs oherwydd COVID-19**
- 8. Dolenni defnyddiol**



1. Croeso oddi wrth eich Tîm Addysgu

Rydym yn falch iawn eich bod chi wedi dewis astudio'r rhaglen BA (Anrh) Addysg ac Ymarfer Proffesiynol y Blynyddoedd Cynnar gyda Statws Ymarferydd y Blynyddoedd Cynnar yn yr Ysgol Addysg a Pholisi Cymdeithasol ym Mhrifysgol Metropolitan Caerdydd.

Hoffai tîm y staff eich croesawu chi i'ch astudiaethau a'ch sicrhau ein bod ni yno i'ch cefnogi chi i gyrraedd eich nodau. Mae'n debygol y byddwch yn dod ar draws llawer o gyfleoedd a rhai heriau ar hyd y ffordd. Gallwn eich sicrhau ein bod ni, fel staff, yma i'ch helpu chi gymaint ag y bo modd, o'ch diwrnod cyntaf fel Glasfyfyrwr i'r Diwrnod Graddio a thu hwnt.

Mae'r adborth a gawn gan ein cyn-fyfyrwyr a myfyrwyr presennol yn dweud bod ein cyrsiau'n ysgogol ac wedi'u trefnu'n dda, ac yn cael eu cyflwyno gan diwtoriaid sydd â dealltwriaeth dda o'r hyn maen nhw'n ei addysgu ac yn dangos brwdfrydedd dros fod eisiau i'w myfyrwyr lwyddo – rydym wedi ymrwymo i sicrhau mai dyma fydd eich profiad chi hefyd.

Mae eich wythnos gyntaf yn ymwneud ag ymgyfarwyddo â'ch rhaglen, eich tiwtoriaid, y campws a'r ddinas, ac wrth gwrs gwneud ffrindiau newydd. Byddwch chi'n cwrdd â'r staff a fydd yn eich addysgu, ac yn bwysig iawn, byddwch chi hefyd yn cwrdd ag eraill yn eich grŵp blwyddyn. Yn ogystal, byddwch chi'n dod i adnabod eich tiwtor personol, a fydd yn esbonio eich amserlen, yn gwirio bod popeth yn mynd yn dda ac yn datrys unrhyw broblemau a allai godi.

Edrychwn ymlaen at gwrdd â chi, a'ch cynorthwyo i gyflawni eich nodau personol a'ch nodau gyrfa.

Y Tîm Addysg ac Ymarfer Proffesiynol y Blynyddoedd Cynnar gyda Statws Ymarferydd y Blynyddoedd Cynnar



Croeso gan Gyfarwyddwr y Rhaglen

Rwyf wrth fy modd eich bod wedi dewis astudio'r rhaglen BA (Anrh) Addysg y Blynyddoedd Cynnar ac Ymarfer Proffesiynol gyda Statws Ymarferydd y Blynyddoedd Cynnar (SYBC) yn yr Ysgol Addysg a Pholisi Cymdeithasol ym Mhrifysgol Metropolitan Caerdydd.

Mae dechrau eich astudiaethau Prifysgol yn amser cyffrous i chi gyda llawer o gyfleoedd a phrofiadau newydd. Rydych chi'n dechrau ar radd broffesiynol a fydd yn golygu gweithio ochr yn ochr ag ymarferwyr profiadol a gwybodus mewn amrywiaeth o leoliadau gwahanol. Mae'n bwysig felly eich bod yn dilyn y canllawiau a roddir i chi am ymddygiad proffesiynol. Mae hyn yn rhywbeth y byddwn yn edrych arno yn ein sesiynau cynnar sy'n gysylltiedig ag ymarfer proffesiynol. Rydym yn hynod falch o'n myfyrwyr a'r ffordd y maent yn ymddwyn pan fyddant ar leoliad.

Oherwydd y sefyllfa yr ydym ynddi o ganlyniad i bandemig COVID 19, bydd dechrau'r rhaglen yn edrych ychydig yn wahanol i'r hyn y byddech efallai wedi ei ddisgwyl. Peidiwch â phoeni am unrhyw beth, gan fod llawer iawn yn cael ei wneud i sicrhau eich diogelwch. Mae'n mynd i fod yn wahanol i bob un ohonom, ond byddwn yn gweithio drwy bethau gyda'n gilydd. Os oes gennych unrhyw gwestiynau neu bryderon, mae croeso ichi gysylltu â mi.

Mae amrywiaeth o weithgareddau wedi'u cynllunio i chi ymgysylltu â hwy yn ystod yr wythnos sefydlu, a bydd rhai ohonynt yn wyneb yn wyneb ar Gampws Cyncoed lle bydd eraill yn cael eu cymryd lle yn rhithwir. Drwy gyfuno dulliau o'r fath, byddwch yn dal i allu cwrdd â phawb a dod i adnabod eich gilydd.

Edrychaf ymlaen at gwrdd â chi ym mis Medi a'ch cefnogi drwy gydol eich astudiaeth i gyflawni eich amcanion personol a gyrfaol.

Dymuniadau gorau

Cheryl

Cheryl J Anthony

Cyfarwyddwr y Rhaglen

BA (Anrh) Addysg y Blynyddoedd Cynnar ac Ymarfer Proffesiynol gyda Statws Ymarferydd y Blynyddoedd Cynnar (SYBC)



2. Amodau Cyn-cofrestru

Cyn cofrestru ar y rhaglen, rhaid i bob myfyriwr fod wedi cwblhau'r broses y Gwasanaeth Datgelu a Gwahardd (DBS) Uwch:

GWIRIAD DBS

Mae'r Gwasanaeth Datgelu a Gwahardd (DBS) yn un o sefydliadau'r Llywodraeth sy'n helpu i atal pobl anaddas rhag gweithio gyda phlant ac oedolion sy'n agored i niwed.

Bydd pob darpar fyfyrwr yn cael Datgeliad Manylach gan y Gwasanaeth Datgelu a Gwahardd (DBS), cyn cofrestru ar y rhaglen. Pan ganfyddir problem, bydd canlyniadau'r datgeliad yn cael eu cyfeirio at banel i'w hystyried ac fe gynghorwyd y darpar fyfyrwr yn unol â hynny. Rhaid i fyfyrwyr sy'n gwneud cais am y rhaglen, lle nad yw Prydain yn hanu o'r wlad, ddarparu'r wybodaeth hon drwy ffynhonnell gyffelyb o'u mamwlad cyn iddynt gofrestru.

Gwasanaeth Diweddarau'r DBS

Argymhellir bod ymgeiswyr yn cofrestru gyda'r Gwasanaeth Diweddarau, felly gall y datgeliad fod yn gyfredol ar gyfer hyd astudiaethau a gall gwmpasu lleoliadau, os caiff ei gynnal. Mae'n bosibl hefyd na fydd rhai darparwyr lleoliadau yn derbyn eich tystysgrif gyfredol gan y gwasanaeth datgelu a gwahardd drwy Brifysgol Metropolitan Caerdydd oni bai eich bod wedi cofrestru gyda'r Gwasanaeth Diweddarau.

Mae'r Gwasanaeth Diweddarau yn caniatáu i unigolion wneud cais i sicrhau bod eu gwiriad cofnodion troseddol yn cael ei ddiweddarau a bod cyflogwyr yn sicrhau bod y wybodaeth yn gyfredol ac yn ddilys, os ydynt yn dewis gwneud hynny. Gall unigolion wneud cais am y Gwasanaeth Diweddarau ar yr un pryd â'r cais DBS, neu hyd at 30 diwrnod ar ôl cyhoeddi Tystysgrif y DBS.

Gellir cael rhagor o wybodaeth am y DBS a sut i gwblhau'r broses ar-lein drwy ddilyn y ddolen hon: www.cardiffmet.ac.uk/DBS



3. Tasgau Haf Cyn-Mynediad

Mae tair tasg yr hoffem i chi ymgysylltu â nhw a'u cwblhau dros yr haf i baratoi ar gyfer dechrau'r rhaglen. Bydd gofyn i chi rannu'r rhain yn ystod yr Wythnos Sefydlu a byddant yn cael eu defnyddio yn ystod modiwlau gwahanol hefyd. Byddant yn creu sail ar gyfer trafodaethau ac yn gyfle i chi fyfyrion ar eich profiadau, eich gwybodaeth a'ch dealltwriaeth o'r cam pwysig hwn ym mywydau plant ifanc. Gallwn eich sicrhau nad oes unrhyw ffordd gywir nac anghywir o wneud hyn – eich dewis chi i raddau helaeth yw'r ffordd y byddwch chi'n cyflwyno'r wybodaeth.

Tasg 1 – Llenyddiaeth Plant

Mae llyfrau a darllen yn rhan bwysig o fywydau plant ifanc. Hoffem i chi ddod o hyd i lyfr stori y gwnaethoch chi ei fwynhau'n arbennig fel plentyn ifanc, neu un y gallai plentyn ifanc ei fwynhau yn eich barn chi, a llunio adolygiad o'r llyfr. Yn ddelfrydol, byddai angen i'r llyfr fod yn addas ar gyfer y grŵp oedran 0 - 8 a gallai fod yn llyfr stori neu'n llyfr lluniau. Fel rhan o'ch adolygiad, bydd angen i chi gynnwys y teitl, yr awdur, y cyhoeddwr, disgrifiad cyffredinol o'r stori neu'r cynnwys a'r hyn roeddech chi'n ei hoffi/ei fwynhau am y llyfr penodol hwn. Gallwch gwblhau adolygiad ysgrifenedig o'r llyfr neu ddewis rhannu eich barn ar ffurf ddarluniadol neu sain – beth bynnag sy'n gweithio orau i chi. Wedyn, byddwn yn defnyddio'r rhain fel rhan o Sesiwn Rhannu Storïau yn ystod y rhaglen.

Tasg 2 – Rhigymau a Chaneuon

Mae plant ifanc wrth eu bodd yn canu rhigymau a chaneuon ac mae llawer o'r rhain yn aros yn y cof trwy gydol plentyndod a thu hwnt. Hoffem i chi ddewis hoff rigwm neu gân o'ch plentyndod cynnar a chreu cynrychiolaeth weledol y gellir ei rhannu ag eraill. Gellir gwneud hyn mewn unrhyw fformat o'ch dewis, ond bydd angen i chi gynnwys geiriau'r rhigwm neu'r gân ac unrhyw symudiadau os yw hynny'n briodol. Byddwn ni'n rhannu'r rhain yn ein sesiwn Cydganu yn ystod y rhaglen.

Tasg 3 – Llyfr Lloffion ABC y Blynyddoedd Cynnar

Creu llyfr lloffion yn nhrefn y wyddor (copi papur neu electronig), sy'n cofnodi eich profiadau, eich atgofion a'ch gwybodaeth am y sector addysg y Blynyddoedd Cynnar. Gallwch ddefnyddio unrhyw gyfryngau a ddymunwch, gan gynnwys ffotograffau, lluniadau, adroddiadau cyfryngau, geiriau ysgrifenedig (mewn unrhyw fformat, fel myfyrdodau, disgrifiadau, cerddi, capsionau ac ati) i gyflwyno'r hyn rydych chi'n ei wybod, neu wedi'i glywed neu'i brofi mewn perthynas ag Addysg Gynnar.

Er enghraifft:

- Gallai A gyfeirio at Anogaeth – ysgrifennwch rai brawddegau neu baragraff byr i'w esbonio. Gallech gynnwys cyfeiriad at lenyddiaeth hefyd – sef rhywbeth y byddwn yn ei ddisgwyl yn eich aseiniadau.
- Gallai B fod ar gyfer brwdfrydedd a sut i'w hyrwyddo, neu ar gyfer beic a phwysigrwydd beicio ar gyfer datblygiad corfforol
- Gallai C fod ar gyfer creadigrwydd a pham mae'n bwysig wrth weithio â phlant ifanc.

Nid oes cyfyngiad ar nifer yr eitemau y gallwch eu cynnwys ar gyfer pob llythyren yn y wyddor, ond bydd angen i chi gael rhywbeth ar gyfer pob llythyren. Lle bynnag y bo modd, ceisiwch gynnwys rheswm neu fyfyrddod ar gyfer pob eitem rydych chi'n ei chynnwys.



Nid oes unrhyw offer arbennig i'w brynu ar gyfer y rhaglen hon. Fodd bynnag, byddwch chi'n cymryd rhan mewn gweithgareddau awyr agored yn yr ardal ysgol goedwig mewn pob math o dywydd. Bydd gweithgareddau o'r fath yn digwydd yn ystod yr Wythnos Sefydlu a thrwy gydol y rhaglen. Felly, fe'ch cyngorir i fod â siaced law a throwsus diddos a phâr o esgidiau glaw neu esgidiau diddos. Bydd yr eitemau hyn yn ddefnyddiol ar leoliad hefyd, gan y bydd gofyn i chi fod gyda phlant yn yr awyr agored.

Llyfrau

Nid oes unrhyw destunau cwrs gorfodol ar gyfer y rhaglen, ond mae deunydd darllen gofynnol ac argymelledig ar gyfer pob modiwl. Mae'r holl destunau hyn ar gael trwy'r llyfrgell, y mwyafrif ohonynt fel eLyfrau.

Nid yw'n ofynnol i chi brynu unrhyw un o'r testunau hyn (er mae'n well gan rai myfyrwyr fod â'u copïau eu hunain). Gallwch chi ddod o hyd i fanylion deunydd darllen gofynnol neu argymelledig ar gyfer rhaglenni penodol ar eich Moodle cyn cyrraedd.



4. Ymrestru / Casglu Cerdyn Met Caerdydd

Mae ymrestru yn broses bwysig a fydd yn cadarnhau eich statws yn Fyfyriwr. Gallwch gwblhau'r broses hunan-ymrestru ar-lein oddi ar unrhyw gyfrifiadur drwy ein system Hunan Wasanaeth. Noder: er mwyn hunan-ymrestru, rhaid i'ch statws fod yn UF (Pendant Di-amod).

Fe gewch ebost yn rhoi gwybod i chi pan fyddwch yn cael ymrestru ar-lein. Fe fydd yr ebost yn eich cyfeirio i gyfleuster ail-osod cyfrinair er mwyn gofyn am gyfrinair i gael mewngofnodi a chwblhau'r broses ymrestru. I gael gwybodaeth ac arweiniad ynglŷn â'r broses hon, gwnewch yn siŵr eich bod yn ymweld â'n tudalen ymrestru – www.cardiffmet.ac.uk/enrolment.

Mae'r broses hon yn hanfodol gan y bydd yn eich galluogi i gael mynediad i'ch benthyciad myfyrwyr (os gwneir cais amdano), talu ffioedd, systemau TG Met Caerdydd ac, yn bwysig, bydd yn eich galluogi i gael eich Met Gerdyn Myfyrwyr.

Fe fyddwch hefyd yn derbyn Llawlyfr eich Rhaglen yn ystod yr Wythnos Gynefino. Mae Llawlyfr y Rhaglen yn llyfr hanfodol drwy'r Rhaglen a dylid ei gadw i'w ddefnyddio ar hyd eich cwrs astudio. Bob blwyddyn academiaidd, caiff gwybodaeth ychwanegol yn ymwneud â'r lefel yna ei darparu. Bydd y Llawlyfr yn cynnig canllawiau ar Reolau, Rheoliadau a Gweithdrefnau, a chanllawiau ar ddysgu ar gyfer ymarfer gyda gwybodaeth ar bob modiwl i'w astudio a'r rhestri darllen.

Ymrestru ar gyfer Myfyrwyr Rhyngwladol o'r tu allan i'r UE

Os ydych yn fyfyriwr rhyngwladol (o'r tu allan i'r UE) bydd gofyn i chi gyflwyno rhywfaint o ddogfennaeth cyn cael caniatâd i gael ymrestru ar-lein. I gael rhagor o wybodaeth am ymrestru myfyrwyr rhyngwladol a rhestr o ddogfennau y bydd rhaid i chi eu cyflwyno, ewch i: [tudalennau myfyrwyr rhyngwladol](#) neu cysylltwch â'r Tîm Cydymffurfiad Mewnfudo yma: immigrationregs@cardiffmet.ac.uk.

Gwasanaethau Llyfrgell a Gwybodaeth

Bydd mynediad gennych i Wasanaethau Llyfrgell a Gwybodaeth Met Caerdydd yn fuan wedi i chi gwblhau eich ymrestru ar-lein. Caiff ebost ei anfon atoch i gadarnhau hyn ynghyd â manylion mewngofnodi Met Caerdydd. I gael gweld y cyfleusterau a'r gwasanaethau sydd ar gael, ewch i www.cardiffmet.ac.uk/library.

Eich Met Gerdyn Myfyrwyr

Mae eich Met Gerdyn yn rhoi mynediad i chi i bob prif adeilad a drws ar y campws. Yn ychwanegol gallwch ychwanegu arian i'ch Met Gerdyn fel y gallwch fod â mynediad i'r argraffyddion hunan-wasanaeth, y copiwr a gwasanaethau'r Stiwdio Print, ac yn gallu talu am y rhain. I gael rhagor o fanteision y Met Gerdyn, cliciwch [yma](#).

Ffioedd

Mae'r ffioedd dysgu ar gyfer graddau israddedig amser llawn a rhaglenni Meistr amser llawn ar gyfer dechrau ym Medi 2020 wedi'u gosod ar £9,000 y flwyddyn. I gael rhagor o wybodaeth ar ffioedd dysgu, edrychwch ar ein [Tablau Ffioedd](#). Os bydd unrhyw gostau ychwanegol ynghlwm wrth eich rhaglen, byddan nhw wedi'u rhestru ar www.cardiffmet.ac.uk/additionalcosts. Gwnewch yn siŵr eich bod yn gwirio'r rhain er mwyn sicrhau eich bod yn ymwybodol o unrhyw gostau ychwanegol sy'n gysylltiedig â'ch cwrs.

Mae manylion am ffioedd ar gyfer myfyrwyr rhyngwladol (o'r tu allan i'r UE) ar gael [yma](#). Dylech fod yn ymwybodol o'r costau hyn eisoes.



5. Wythnos Gynefino

Bydd y cyfnod cynefino ar gyfer pob myfyriwr yn Ysgol Chwaraeon a Gwyddorau Iechyd Caerdydd yn dechrau ar Ddydd Llun, Medi 28^{ain} 2020. Fe fydd eich tymor cyntaf yn fyfyriwr newydd yn dechrau gydag Wythnos Gynefino lle y byddwch yn ymgartrefu yn eich llety, yn ymgylchwrddo â'ch cwrs a'ch bywyd myfyriwr. Mae amserlen eich Wythnos Gynefino yn dangos y digwyddiadau sydd wedi'u dylunio i chi gael ymgylchwrddo â Met Caerdydd, ei gyfleusterau a'ch cyd-fyfyriwr. Fe gewch y cyfle i fynd i amrywiaeth o ddigwyddiadau a fydd yn ymwneud â'ch rhaglen, gwasanaethau'r llyfrgell, TG, gwasanaethau myfyriwr ac Undeb y Myfyriwr. Byddwch yn cyfarfod hefyd ac yn cael nifer o sesiynau gyda'ch tiwtor personol i gael gwneud y broses o drosglwyddo i fywyd academaidd y brifysgol yn un mor ddiraffferth â phosib.

Yn unol â'r wybodaeth isod am gyflawni'r rhaglen, bydd yr Wythnos Gynefino yn cynnwys gweithgareddau a fydd yn cael eu cyflawni ar amser pendant ac wedi'u harwain gan aelod o'r staff, a gweithgareddau a fydd wedi'u dylunio a'u gosod gan aelod o'r staff ond a fydd i'w cwblhau yn eich amser chi eich hunan. Bydd y gweithgareddau hyn yn digwydd ar-lein/amgylchedd rhithiol yn bennaf ar hyd yr wythnos gynefino; rydym hefyd yn cynllunio gweithgareddau i redeg ar-gampws lle y bydd cyfyngiadau'r llywodraeth yn caniatáu.

Mae eich digwyddiadau a'ch amserlen derfynol yn cael eu cwblhau ar hyn o bryd a chân nhw eu llwytho yn ddogfennau ar wahân ar dudalennau'r [Myfyriwr Newydd](#) i chi.

Ar gyfer y rheiny mewn Neuaddau Preswyl, peidiwch ag anghofio i wirio'r rhaglen a gynigir drwy'r [Tîm Bywyd Preswyl](#).



6. Amserlen Ddrafft / Presenoldeb Nodweddiadol

Mae eich gradd yn cynnwys modiwlau ar wahân, bob un ohonynt yn ymdrin â phwnc gwahanol a'i ddull ei hun o gyflwyno ac asesu. Caiff ffocws penodol pob modiwl ei ddadelfennu yn llawlyfr y modiwl sydd ar gael ar Moodle. Mae'r rhan fwyaf o fodiwlau yn werth 20 credyd, ac eithrio'r modiwl Datblygiad Proffesiynol sy'n werth 60 credyd. Maen nhw'n cynnwys cyfuniad o sesiynau ffurfiol a amserlennir ac astudiaeth annibynnol. Mae presenoldeb yn orfodol ym mhob sesiwn a addysgir.

Cofiwch eich bod yn ymuno â chymuned ddysgu lle byddwch yn dysgu oddi wrth eraill ac yn cynorthwyo eich gilydd yn eich datblygiad academaidd a datblygiad eich sgiliau. Mae'n hanfodol eich bod chi'n ymddwyn mewn ffordd broffesiynol ac yn ymgysylltu â'ch astudiaethau mewn dulliau sy'n hwyluso eich cynnydd eich hun a chynnydd eraill. Os ydych chi'n cael trafferth o ran rheoli eich amser a'ch baich gwaith yn effeithiol, trafodwch hyn â'ch Tiwtor Personol.

Cynhelir sesiynau amserlenedig rhwng 9am a 6pm o ddydd Llun i ddydd Gwener. Sylwer mai amser ar gyfer ymchwil ac astudiaeth bersonol yw'r 'gofod' rhwng y sesiynau a amserlennir.

D.S: Gall amserlenni gael eu newid, i fyny at ac yn cynnwys dechrau'r tymor.

Fel myfyriwr blwyddyn gyntaf, cewch fynediad i'ch amserlen derfynol yn ystod yr Wythnos Sefydlu, sydd yn digwydd cyn yr wythnos gyntaf o addysgu. Cofiwch y bydd angen i chi gael eich ymrestru cyn i chi gael mynediad i'r wybodaeth hon. Os yw'ch lle wedi'i gadarnhau ond nad ydych chi wedi cael gwybod eich bod yn gallu ymrestru, cysylltwch â'r adran Dderbyniadau am gyngor.

Fel rhan o'r modiwl Addysg y Blynyddoedd Cynnar, mae'n falch iawn gennym gynnig y cyfle i chi i ennill cymhwyster Lefel Dau achrededig yr Ysgol Goedwig. Byddwn yn ymdrin â'r cynnwys sy'n ofynnol ar gyfer yr achrediad hwn o fewn y modiwl, felly ni fydd unrhyw dâl am ymgymryd â'r hyfforddiant. Fodd bynnag, bydd AgoredCymru, sef y corff achredu, yn gofyn am ffi weinyddu am brosesu eich cymhwyster ar ei gwblhau'n llwyddiannus. Mae'r ffi tua £25 ond gallai hyn newid.

Ceir cyfle hefyd i ymgymryd â chymwysterau ychwanegol a allai olygu costau ychwanegol, e.e. cymhwyster yr NSPCC ar Ddiogelu fel opsiwn ychwanegol yn ystod eich gradd. Y tâl presennol ar gyfer y cymhwyster hwn yw tua £20 ond gallai hyn newid.

Ar ôl cwblhau eich gradd yn llwyddiannus, dyfernir Statws Ymarferydd y Blynyddoedd Cynnar i chi, wedi'i achredu gan Gofal Cymdeithasol Cymru. I ennill y cymhwyster hwn, bydd yn ofynnol i chi wneud 700 awr o brofiad gwaith yn ystod eich gradd. Mae'n debygol y bydd rhai costau teithio yn gysylltiedig â lleoliad.

Gweler www.cardiffmet.ac.uk/additionalcosts am ragor o wybodaeth. Hefyd, mae'n bosibl y bydd yn ofynnol i chi brynu ffeil lleoliad addas, a byddwch yn derbyn manylion pellach am hyn yn ystod yr Wythnos Sefydlu.



7. Newidiadau i'r Cwrs oherwydd COVID-19

Mae modd gweld unrhyw ddiweddariadau i'ch cwrs yn dilyn effeithiau COVID-19 ar y tudalen canlynol. Gwnewch yn siŵr eich bod yn gwirio'r tudalen yma yn rheolaidd i gael unrhyw ddiweddariadau neu newidiadau pellach, cyn dechrau eich cwrs.

<https://www.cardiffmet.ac.uk/study/newstudents/Pages/Programme-Updates.aspx>

Mae'n debyg y bydd peth o'r cyfnod cynefino yn digwydd ar-lein, weithiau drwy ddefnyddio *Microsoft Teams*. Rydym yn argymhell eich bod yn llwytho'r ap i lawr i'ch ffôn neu'n ymweld â'r wefan mewn porwr er mwyn ymgyswrtio â sut i ddefnyddio'r system hon.

Os nad ydych yn gallu cael mynediad gartref i'r math yma o system, neu byddai'n anodd i chi wneud hynny yn rhyw ffordd, rhowch wybod i ni.

<https://www.microsoft.com/en-gb/microsoft-365/microsoft-teams/group-chat-software>



8. Dolenni defnyddiol

[Amserlen](#)

Bydd y ddolen hon yn rhoi mynediad i chi i'ch amserlen derfynol. Bydd rhaid i chi fod wedi ymrestru cyn y gallwch ddefnyddio'r ddolen yma, ac fe gysylltir â chi pan fydd y wybodaeth ar gael.

[Ymgysylltiad Byd-Eang](#)

Cyngor a chymorth ar gyfer myfyrwyr rhyngwladol o'r tu allan i'r UE ar wneud cais am fisa, byw yn y DU, gwneud trefniadau llety a manteisio ar Wasanaeth Croesawu yn y Maes Awyr. Bydd Ymgysylltiad Byd-eang yn rhoi cymorth lles a chyngor dysgu ar hyd eich cwrs. Edrychwch hefyd ar ein cwestiynau a ofynnir yn aml: [http://www.cardiffmet.ac.uk/international/study/Pages/September-2020-FAQs-\(COVID-19\).aspx](http://www.cardiffmet.ac.uk/international/study/Pages/September-2020-FAQs-(COVID-19).aspx)

[DBS](#)

Os yw'ch rhaglen yn golygu eich bod chi'n dod i gysylltiad â phlant a phobl ifanc, neu rhai sy'n fregus, yna gofynnir i chi gynnal gwiriad cofnodion troseddol fel rhan o'ch cynnig.

[Costau Cwrs Ychwanegol](#)

Costau ychwanegol yw'r treuliau gorfodol neu opsiynol, ar ben y ffioedd dysgu, y bydd angen eu talu gan fyfyrwyr iddyn nhw gael cymryd rhan lawn a chwblhau eu hastudiaethau. Bydd hyn yn cynnwys pethau megis offer, teithiau, lleoliadau a gwiriadau'r Gwasanaeth Datgelu a Gwahardd. Mae costau ychwanegol gwahanol gan bob rhaglen.

[Llety](#)

Bydd contractau preswyl myfyrwyr yn dechrau ar Fedi 28^{ain} 2020. Ond oherwydd cadw pellter cymdeithasol ac i sicrhau eich iechyd a'ch diogelwch chi a'n staff, fe fydd amseroedd cyrraedd y neuaddau preswyl yn ymestyn dros sawl diwrnod yr wythnos cyn hynny. Wedi i chi gael lle wedi'i gynnig i chi ac y byddwch wedi'i dderbyn, cadwch olwg am ebost a fydd yn rhoi gwybod i chi pryd y cewch symud i mewn. A wnewch chi nodi na fyddwch yn gallu defnyddio'r rhyngwyd yn y neuaddau heb i chi gwblhau'r broses ymrestru yn llwyddiannus. Cynhelir amrywiaeth o ddigwyddiadau drwy'r cyfnod cynefino a thrwy'r tymor cyntaf; bydd Llety yn anfon gwybodaeth atoch pan fydd y rhain wedi'u cadarnhau.

[Gwasanaethau Myfyrwyr](#)

I gael help yn ystod eich cyfnod gyda ni o ran eich iechyd, eich lles, eich dull byw a'ch gyrfa yn y dyfodol. Y nod yw rhoi'r holl gymorth fydd ei angen arnoch i sicrhau bod eich astudiaethau mor bleserus a mor llwyddiannus â phosib. Ymhlith y gwasanaethau eraill mae cwnsela, anabledd a'r gaplaniaeth.

[Cyllid Myfyrwyr](#)

I gael gwybodaeth ar Fenthyciadau Ffioedd Dysgu a Benthyciadau Cynhaliadau, ac unrhyw fwrseriau, ysgoloriaethau a grantiau nad oes rhaid eu had-dalu, a allai fod ar gael.

[Chwaraeon a Chyfleusterau Met Caerdydd](#)



[Undeb Myfyrwyr Met Caerdydd](#) gan gynnwys Cymdeithasau UM, Clybiau Chwaraeon UM a'r gallu i gael mynediad i gyngor a chymorth annibynnol

[Dyddiadau'r Tymhorau](#)

[Mapiau'r Campws, Cysgodfeydd Beiciau a'r MetWibiwr](#)

Mae Met Caerdydd yn cynnig ei wasanaeth bysiau ei hun – y MetWibiwr. I gael rhagor o wybodaeth ac i gyrchu'r ffurflen gais, ewch i www.cardiffmet.ac.uk/MetRider. Mae cysgodfeydd storio beiciau gennym hefyd ar y ddau gampws, ac mae modd newid a chael cawod hefyd. Mae'r cysgodfeydd yn rhai diogel ac nid oes mynediad iddyn nhw ond drwy ddefnyddio'ch Met Gerdyn pan fyddwch wedi gofyn am ganiatâd drwy'r parth-g.

[Teithiau Tywys Rhithiol](#)

Edrychwch o gwmpas ein campws a'n cyfleusterau unwaith eto gyda'n teithiau tywys rhithiol.

[Llawlyfr y Myfyrwyr](#)

[Llawlyfr Academaidd](#)

[Polisi Derbyn Myfyrwyr](#)

[Cwestiynau a ofynnir yn aml](#)

[Cwynion](#)

